

*Maslinakiri legenda*³⁸

Ekh vakwti, kana o Devel phirelas ki phuv athe, o zaman isine zhandarmeriya, kate manglyas te mundarel les. Kana phirelas, sar phirelas te na mudaren les, zhala ko ekh kasht. I vakerela leske:

– Molinava man tuke te garaves man! Mukh te satse te garaven man!

Kavka kasht sine i vwrba. Oy vakerela:

– Sar ka mukav me satse, te arakhel tut i zhandarmeriya i te chhinen man!

Lachhes, ama o Devel phenzhas:

– Shtom tu na manglyan man te garaves, neka tire satse te oven sa natele.

I akana isi vwrba, kay lakere satse si but natele – sar rovela. Vakerena lake „rovavdi vwrba”.

E Devleskoro kasmeteske, otar nakhelas ekh rom, kalo. O rom vakerela ko Devel:

– Ey phureya, ka zhas othe kay isi ekh kasht. Kavka kasht nishto na byanel, ov si sa phusavne karentsa. Zha othe, garav tut te na arakhen tut.

Zhala o Devel pash ko kolka kashtes. O kasht garavzhas o phures. A pale o kasht sine ekh shuko, ich na sine shukar. Sa chhinen les kalka kashtes. Ama akana si blagosloveno. Naklyas i voyska, na arakhlyas o Devles.

Kana o Devel tsidinzhas te zhal peske, katar kayka phuv naupre, vakerzhas kalke kashtenge, so garavzhas pes:

– Akatar naothe tu ka oves blagosloveno! Te byanes ekh kale emishya i on ka vakeren pes maslina. Kale ka oven, soske o rom kay vakerzhas mange te garavav man pash tute, sine but kalo.

I akana kana zhasa ki khangiri othe arakhasa shirlani, kova si blagoslovime. Ov si kerdo maslinatar.

emishya – ПЛОДОВЕ



³⁸ **Desislava Rangelova (Teshika)**. Byandili ando 1941 b. ko Sandanski thay zhivinela uthe. Romni – dzhumalika, arliyka. Isi la musyulmansko religiya. Pensionirime.